

PLEIV SUMVITG

Radunonza da pleiv 2020/01

Protocol

datum e temps	mesjamna, 16-09-2020, allas 20.00
liug	scola, Sumvitg
envidai	parochianas e parochians pleiv Sumvitg
perstgisas	Thomas Bieler, Rabius, revisur da quen, Fabian Collenberg, Sumvitg, revisur da quen, Roland Maissen, Rabius, pres. dil cussegl pastoral, Aluis Cathomas, Sumvitg, Giusep Bearth, Sumvitg, Elvira Lechmann, Sumvitg, Eugen Giger, Surrein, Fabian Bearth, Rabius
presents	35
absolut pli	18

Tractandas

1	Beinvegni
2	Eleczion da 2 dumbravuschs
3	Approbaziun dil protocol dalla radunonza da pleiv dils 19-05-2019
4	Rapport dil president
5	Rapport dil menader dil cussegl pastoral
6	Presentaziun dil quen annual 2019
7	Rapport dils revisurs ed approvaziun dil quen 2019
8	Presentaziun ed approvaziun dil preventiv 2020
9	Fixaziun dil pei da taglia per 2021
10	Eleczions - suprastonza (president, vicepresidente/actuar ed administratura) - cumissiun da gestiun - commembers dil cussegl pastoral
11	Orientaziuns
12	Varia

1. Beinvegni

Il president Walter Deplazes arva la radunonza e beneventa ils presents. Tenor constituziun dalla pleiv havess quella giu da haver liug ell'emprema mesadad digl onn calendari. Muort il coronavirus ha ella stuiu vegnir spustada.

La gliesta da tractandas vegn approbada sco presentada.

2. Elecziun da 2 dumbravuschs

Sco dumbravuschs vegnan Patrik Schaniel ed Erwin Gienal proponi ed elegi.

3. Approbaziun dil protocol dalla radunonza da pleiv dils 19 da matg 2019

Il protocol dalla davosa radunonza da pleiv ei staus exponius en tuttas baselgias per investa e tgi che ha vuliu ha saviu prender in exemplar a casa.

Il protocol vegn approbaus unanimamein.

4. Rapport dil president

En siu extendiu e detagliau rapport lai il president Walter Deplazes repassar il curriu e passau duront igl onn vargau ed engrazia cordialmein a tuts involvai sin ina moda ni l'otra.

(Il rapport ei disponibels sin la pagina d'internet www.pleivsumvitg.ch).

5. Rapport dil menader dil cussegl pastoral

Muort il coronavirus ha il cussegl pastoral dalla pleiv giu negina activitad pli gronda duront igl onn vargau, aschia ch'ei dat era negin rapport dil president Roland Maissen.

Las pintgas activitads els loghens da baselgia sco per exempel metter candeilas sillas fossas frestgas da Numnasontga han tuttina giu liug e per tut quels engaschis engrazia il president grondamein a tut quellas e quels che ein stai engaschai.

6. Presentaziun dil quen annual 2019

Il quen annual 2019 vegn presentaus da noss'administratura Giuliana Gienal.

Il quen siara cun in surpli d'entradas da frs. 2'160.46.

7. Rapport dils revisurs ed approbaziun dil quen 2019

La revisiun dil quen ei vegnida fatga da nossa cumissiun da gestiun dalla quala fan part:

- Cornelia Deplazes, Surrein,
- Thomas Bieler, Rabiun,
- Fabian Collenberg, Sumvitg.

Cornelia Deplazes presenta il rapport da revisiun e propona d'approbar il quen sco presentaus.

Il quen vegn approbaus unanimamein.

8. Presentaziun ed approvaziun dil preventiv dil quen current e dil quen d'investiziun 2020

Il preventiv dil quen current e dil quen d'investiziun per igl onn 2020 vegnan presentai dall'administratura Giuliana Gienal.

Il quen current preveda in surpli d'entradas da frs. 573.00.

Il preventiv dil quen current e dil quen d'investiziun per igl onn 2020 vegnan approvai unanimamein.

9. Fixaziun dil pei da taglia 2022

La proposta dalla surpastonza da fixar il pei da taglia pigl onn 2022 sco tochen dacheu sin 18 % dalla taglia semplia dil cantun vegn approvada unanimamein.

10. Elecziuns

1. Suprastonza

Tier la suprastonza ha ei dau neginas demissiuns. Reelegi per ina perioda da treis onns vegnan:

president	Walter Deplazes, Surrein
actuar/vicepresident	Armin Candinas, Rabiun
administratura	Giuliana Gienal, Sumvitg

2. Cumissiun da gestiun

Era tier la cumissiun da gestiun dat ei neginas abdicaziuns, aschia che:

Cornelia Deplazes, Surrein
Thomas Bieler, Rabius
Fabian Collenberg, Sumvitg

vegnan reelegi unanimamein.

3. Commembras e commembers dil cussegl pastoral

Tiel cussegl pastoral ha il president Roland Maissen abdicau suenter esser staus 26 onns comemmer da quel. Dapi la fusiun dalla pleiv Sumvitg igl 1. da schaner 2017 ha el presidiau quel. Duron 25 onns eis el medemamein staus lectur e commember dalla gruppa da liturgia da Rabius. Il president engrazia a Roland per tut prestau.

Per la successiun da Roland Maissen ei Fabian Bearth sedeclaraus prompts da candidar.

La commembras dil cussegl pastoral stattan vinavon a disposiziun:

Gabriela Lutz-Soliva, Rabius
Alice Cajacob-Berther, Sumvitg
Daniela Wieland-Giger, Sumvitg
Maya Deplazes-Kurz, Surrein
Doris Janka-Maissen, Surrein

Ellas vegnan reelegiadas ed il niev commember elegius unanimamein.

11. Orientaziuns

1. Fiastas da baselgia

- Dumengia proxima pil di dalla rogaziun federala ei dumengi'alva a Sumvitg cun 5 premcommunicantas e premcommunicants. La dumengi'alva dad uonn vegn muort il coronavirus fatga a moda fetg sempla mo duei tuttina esser per las 5 premcommunicantas e premcommunicants in nunemblideivel di.
Grond engraziament alla catecheta Pierina Dolf per sia zun preziada lavur per nos affons e surtut era per siu engaschi special demai che la fiasta ha stuiu vegnir refretga.
- La fiasta da creisma che havess giu liug ils 17 da matg ha liug la dumengia, ils 27 da settember cun avat Vigeli. Quella fiasta fuss tenor turnus stada a Surrein. Muort las restricziuns e muort il plaz en baselgia ha era la creisma liug a Sumvitg.

Era al catechet Hubert admettein in grond engraziament per sia zun cunscenziusa lavur cun nos confirmands. Era el ha stuiu esser flexibels, damai ch'ils confirmands ein ussa per part ella scola a Rabius, auters a Trun ni el gimnasi a Mustér.

2. Revisiun orgla Rabius

Peter Kraul e sia dunna ord la Tiaratudestga han survegniu l'incarica da reveder l'orgla a Rabius. Peter Kraul ei il construider dall'orgla da Surrein ed ha offeriu la revisiun dall'orgla da Rabius in bien ton pli bienmarcau che la fatschenta che ha giu fatg la revisiun dall'orgla a Sumvitg.

Els dus ch'enconuschan gia fetg bein nossa pleiv, entscheivan lur lavur igl 1. d'october ed entochen la fin d'october ei lu tut finiu.

3. Registraziun dils zenns da Sumvitg e Rabius

Nies caluster Marcel Pöhl ei in grond amator da tuchiez e perquei registrescha el mardis, ils 20 d'october il tuchiez da Sumvitg e quel da Rabius.

4. Parcadis sper santeri a Rabius

En connex culla sanaziun dalla via Catat ha la pleiv schau ereger sis parcadis sper santeri. Treis da quels eran entochen ussa schai vi cun ina servitud als possessurs dallas habitaziuns dalla casa visavi. Quels favorisai da quei dretg han surpriu tut ils cuosts da construcziun sco era dall'impurtaziun el register funsil. Dus parcadis ha la pleiv schau vi cun ina servitud eguala sco tier ils emprems treis parcadis. In als possessurs novs dalla habitaziun Tuor en casa Tuor/Maissen sper baselgia ed in alla parcella nr. 90. Ils cuosts da construcziun plus ina pauschala per quei dretg ella summa totala da 5'000 francs plus ils cuosts d'impurtaziun han ils favorisai da quella servitud pagau. Il sisavel parcadi ha la pleiv surpriu. Per la pleiv resta in pign gudogn ord quella fatschenta ed il dretg da saver duvra quei parcadis en cass da sepultura.

En connex culla construcziun dil mir da vart encunter sera dalla baselgia ha la pleiv cumprau dalla parcella nr. 4966 10 m2, aschia che la baselgia culs mirs ei ussa cumpleinamein sin territori dalla fundaziun ecclesiastica baselgia da Nossaduna Rabius.

12. Varia

Sur Saji engrazia ch'el ha la pusseivladad da pastorer nossa pleiv. Cun la fin settember ei el gia 25 meins cheu tier nus. El engrazia a tut che segida en la pastoraiziun cordialmein.

Sigisbert Cavegn fa attent ch'igl aultplidader sin laupia funcziuneschi buca endretg. Plinavon giavischa el ch'ei vegni buca tucchau suenter messa.

Rabius, 19-09-2020

Igl actuar
Armin Candinas

il president
Walter Deplazes